



Morten-Aleksander Garheim
Prestegardsmarka 45
4130 HJELMELAND

Postadresse:
Postboks 59 Sentrum,
4001 Stavanger

Besøksadresse:
Lagårdsveien 44, Stavanger

T: 51 56 87 00
F: 51 52 03 00
E: fmropost@fylkesmannen.no

www.fylkesmannen.no/rogaland

Løyve til planting av utanlandske treslag til juletreproduksjon 140/1 Stølen, Hjelmeland

Fylkesmannen gjev løyve til planting av utanlandske tre til juletreproduksjon på kartfesta areal på eideom 104/1 i Hjelmeland kommune for 10 år. Det er sett vilkår om at alle tre skal fellast innan 15 år etter planting. Dette løyvet er gitt etter særleg forskrift for utsetting av utanlandske treslag og dekkar ikkje handsaming etter anna lovverk. Det er til dømes naudsynt å ha løyve frå kommunen til omdisponering etter jordlova sine reglar når plantefelta er på dyrka jord.

Me viser til søknad, mottatt 30.06.2015. Du søker om løyve til å planta utanlandske tre til juletreproduksjon på eideommen din i Hjelmeland kommune.

Me viser vidare til kopi av Hjelmeland kommune si godkjenning av plan for nydyrkning og tilrettelegging for juletreplanting. I godkjenningsbrevet går det fram at du har fått munnleg løyve til å nydyrka og planta juletre under synfaring i mars 2015, og at godkjenningsbrevet av 17. juni 2015 formaliserer dette. Så langt me kan sjå er det i den kommunale saksgangen ikkje nemnt at juletreplanting krev godkjenning av Fylkesmannen etter *forskrift om utsetting av utenlandske treslag til skogbruksformål*. Vi legg difor til grunn at du handla i god tru då du gjorde klar og starta planting av juletre, som du no søker om å få godkjent løyve til å setja ut. Det er ikkje tilstrekkeleg med kommunen si godkjenning av nydyrkning for planting av juletre.

Heimel

Utsetting av utanlandske treslag krev godkjenning frå Fylkesmannen i samsvar med *forskrift om utsetting av utenlandske treslag til skogbruksformål* (25.05.2012 nr 460), jf. naturmangfaldlova kap IV.

Søknaden

Du søker om å planta ut 47 000 fjelldelgran *Abies lasiocarpa* og nordmannsedelgran *Abies nordmanniana* i løpet av dei neste tre åra - på 85 daa der det i dag er fulldyrka eng, innmarksbeite og utmarksbeite, innteikna på kart vedlagt søknaden. Totalt areal for produksjonen skal vera 85 daa.

Arealet for utplanting som er oppgitt i søknaden, stemmer ikkje over eins med arealet på kartvedlegget, oppmålt med kartverkty hjå Fylkesmannen. I telefonsamtale 17.07.2015 for å oppklara dette, fekk Fylkesmannen forklart kva for teigar som var tenkt til utplanting, og korleis desse skulle avgrensast. Det totale arealet oppmålt med kartverkty vart då 108,4 daa.

Forskrifta gjev høve til å handsama søknader om utplantingar over fleire år om gongen. Dei aktuelle areala er på eigedom din gnr./bnr. 104/1 i Hjelmeland kommune, samt ca. 19 daa på eit fellesareal, som grensar til eigedommen din (Løken).

Fylkesmannen si vurdering

Føremålet med forskrifta er å hindra at planting av utanlandske treslag ikkje gjev uheldige konsekvensar for naturmangfaldet. Det er sentralt å sikra at forvaltingsmåla for naturtypar og artar ikkje blir trua av dei framande artane, direkte eller indirekte, jf. naturmangfaldlova §§4 og 5. Alle offentlege vedtak som kan ha verknader for naturmangfaldet skal vurderast etter naturmangfaldlova §§ 8 – 12. §8 set krav om at vedtaket bygger på kjend kunnskap. Det er ikkje verna område, eller kjende artar i nærleiken, som kan bli uheldig påverka av tilplantinga. Plantefeltet legg beslag på areal som består av tidlegare fulldyrka eng, innmarksbeite og utmarksbeite.

Ut frå føre-var-prinsippet (§9) er det viktig å sikra seg mot at plantefelta kjem ut av kontroll, som til dømes at trea ikkje når alder for frøspreiing. Rutinar for internkontroll må innarbeidast i verksemda.

Påverknad av økosystemet skal vurderast ut frå samla belastning som økosystemet er eller blir utsett for (§10). I dette høvet kan me ikkje sjå at tiltaket legg beslag på, eller er ein vesentleg trussel mot stadeigne naturkvalitetar.

§11 legg ansvaret for eventuelle skader på naturmiljøet hjå tiltakshavaren. Kostnader ved å bøta på eventuelle skader eller å førebygga, skader skal dekkast av tiltakshavar.

Driftsmetodar og teknikkar skal i utgangspunktet ta best mogleg omsyn til naturmiljøet, slik at resultatet gjev dei beste samfunnsmessige resultata (§12). Me har ikkje spesielle merknader til dette i denne saka.

Me kan ikkje sjå at planting av desse tresлага vil vera til vesentleg skade for naturmangfaldet. Dei aktuelle tresлага har ikkje stor risiko på svartelista, og det er ikkje registrert spesielle naturverdiar som kan bli trua av tiltaket på eller tett på plantefelta. Det er likevel viktig å hindre frøsetting. Det er viktig å dokumentera rutinar for å hindra spreiling, og kven som har ansvar for å sikra hogst før frøsetting. Det er også viktig at dette dokumentet blir gjort kjent og overført samtidig som eventuelt eigarskifte til ny eigar.

Samstundes vil me minna om at skogbrukslova med underliggende forskrifter, mellom anna *forskrift om berekraftig skogbruk* (07.06.2006 nr. 593) og PEFC-standarden også gjeld for juletre- og pyntegrøntproduksjon. Her er det også ein del miljøomsyn som må takast. I dette tilfelle må ein kanskje vera ekstra merksam på at det er krav til buffersone langs vassdrag, samt restriksjonar i høve til gjødsling og sprøyting.

Vedtak og vilkår

Fylkesmannen gjev med dette løyve til å setja ut 47 000 fjelldelgran og nordmannsedelgran på avmerka område på kart vedlagt løyvet. Arealet er til saman 108,4 daa. Områda er på Stølen i Hjelmeland kommune. For Løken, feltet som ligg i fellesmarka, legg me til grunn at planting skjer med samtykke frå dei andre eigarane. Løyvet gjeld i ti år fram til år 2025.

Det blir sett som vilkår at alle tre, som er omfatta av vedtaket, skal fellast innan 15 år etter at dei vart planta. Eigaren av arealet er ansvarleg for fellinga. Vilkåret for dette løyvet skal gjerast kjend for ny eigar ved eventuelt eigarskifte.

Dette løyvet er utelukkande gitt på bakgrunn av risiko for spreiing av utanlandske tre, og er heilt uavhengig av handsaming etter anna lovverk. Det er til dømes naudsynt å ha løyve frå kommunen til omdisponering etter jordlova sine reglar når plantefelta er på dyrka jord. Ut frå kommunen sitt godkjenningsbrev om nydyrkning, ser dette ut til å vera i orden.

Klage

Du kan klaga på vedtaket innan 3 veker etter du har mottatt dette brevet, jf. forvaltningslova sine reglar. Ein eventuell klage skal sendast til Fylkesmannen i Rogaland. Dersom Fylkesmannen ikkje gjer om eige vedtak, skal klagen handsamast av Miljødirektoratet.

—
Med helsing

May Britt Jensen
fylkesmiljøvernssjef


Torborg Berge
rådgjevar

Dokumentet er elektronisk godkjent og har difor ikkje underskrift

Saksbehandlar: Torborg Berge
Saksbehandlar telefon: 51 56 89 39
E-post: fmrotbe@fylkesmannen.no

Kopi til:
Hjelmeland kommune Vågavegen 116 4130 Hjelmeland
Miljødirektoratet Postboks 5672 Sluppen 7485 TRONDHEIM

Vedlegg:
Felt for nordmannsedelgran og fjelledelgran til juletreproduksjon Morten-Aleksander Garheim, Stølen, Hjelmeland 104/1.



Løype til å setja ut
nordmannsedelgran/fjelledelgran til juletre
Stølen, Hjelmeland gnr 104 bnr 1

Nordmannsedelgran + Fjelledelgran
Eigedomsgrense

Ortofoto 2013 0,25 m oppløysing

1:2 500

0 25 50 100 Meters

Kartgrunnlag: FKB, Norge i bilder
Tilsette: © Norge Digitalt
Kartproduksjon: Fylkesmannen i Rogaland, juli 2015

